



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

A Clemente XI. Ad Benedictum XIII.

**Luxemburgi, MDCCXLI.**

31. Ex capitulo &c. Decretum quo abolentur indulta, & Privilegia  
Lectoribus, Prædictoribus, & Magistris Novitiorum concessa in Statutis  
Capitulorum generalium Toletani, Romani, & Victoriæ Ordinis ...

---

[urn:nbn:de:hbz:466:1-74859](#)

1720.

1720

## DECRETUM.

XVII.

Quo abolentur Indulta, & Privilegia Lectoribus, Prædicatoribus, & Magistris Novitiorum concessa in Statutis Capitulorum generalium Toletani, Romani, & Victoriae Ordinis Minorum Observantium Reformatorum S. Francisci, non obstantibus Decreto Sacra Congregationis Episcoporum, & Regularium, & Brevi confirmatorio Venerabilis Servi Dei Innocenti XI. ita tamen ut Regulares præfati Ordinis, qui dicta Indulta, & Privilegia legitime haec tenus consecuti fuerint, ac in eorum pacifica possessione extiterint, iis uti, & frui pergent.

Die 18. Julij 1720.

**E**X Capitulo generali Toletano sub anno 1682. Nonnulla concessa fuerunt Indulta, sive Privilegia Lectoribus Sacrae Theologiae, Prædicatoribus, & Magistris Novitiorum Ordinis Minorum Observantium Reformatorum, qui scholastica exercitia, verbi Dei prædicationem, & Novitiorum Tyrocinium tempore, & modo præscriptis, respectivè expleverint, sub hac formâ videlicet: Capitulum generale perpendens, multos præmio magis, quam poena ad virtutes excitari, omnium Vocarium strictioris Observantiae unanimi consensu, ac nemine discrepante, statuit eos, qui integrum Philosophiae cursum, & Sacram Theologiam per duodecim annos laudabiliter docuerunt, vel in posterum docebunt, ultimum locum, & præcedentiam obtinere inter eos, qui Ministris, aut Vicariis Provincialis per biennium, vel Guardiani Hierusalem, vel Secretarij Generales fuerunt. Qui verò totidem annis in Cathedralibus, vel in Suggestis conspicuis, vel generalibus in verbi Dei promulgatione præclarè se gesserunt, vel posthac se gerent, immediate post Definitores actuales, & qui Magistri Novitiorum per octo annos fuerunt, vel erunt post, Ex-Custodes, & Pro-Ministros, qui in Capitulo Generali Hispaniarum legitimè suffragati sunt, locum habeant, ea tamen lege, ut unus ex Lectoribus, unusque ex Concionatoribus, & unus ex præfatis Magistris antiquior in suo quolibet munere expletio, præfata respectivè præcedentia, & loco absque jure subrogandi, eodem tempore gaudere possit; Præfati autem Lectores teneantur in posterum exerciticia scholastica facere ad præscriptum Constitutionum Generalium &c. Quod Toletanum Statutum, quoad Lectores Sacrae Theologiae sub die 7. Decembris 1685. esse confirmandum Sacra Congregatio Episcoporum, & Regularium censuit, & successivè à Venerabili Servo Dei Innocencio XI. per literas in forma Brevis anno tum proximo sequenti pro eisdem Lectoribus Sacrae Theologiae Apostolica auctoritate communatum fuit, salva tamen in præmissis memoratae Congregationis facultate. In Capitulo pariter Generali Romano, sub anno 1688. Titulum *Emeritam* dictis Lectoribus attributum extitit, & in altero Capitulo Generali *Victoriae* nuncupato, anno 1694. unus ex qualibet Provinciis Conventus determinatus fuit, ubi Lectores, Privilegia confecuti scholastica exercitia prosequi deberent.

Quoniam verò Superiores Generales jamdudum recursum habuerunt ad Sanctam Sedem exponentes gravia, quæ ex ipsis Indultis, & Privilegiis supervenerunt Regularis disciplinæ præjudicia, inter Religiosos iuria, lites, & ambitus multum ab humilitate, & simplicitate Reformati Ordinis abhorrentes, Sanctissimus Dominus Noster Congregationem particularē deputavit Eminen-

tissimorum, & Reverendissimorum Dominorum S. R. E. Cardinalium Paulucci, Casoni, Paracciani Praefecti Sacrae Congregationis Episcoporum, & Regularium, Fabroni, meique infra scripti ejusdem Sacrae Congregationis Secretarii, ut singula quæ ad adducabantur, sedulò examinarentur, & votum super predictis Sanctitati Suæ deinde exponeretur.

Die igitur Jovis 18. Julij 1720. eadem Congregatione habita EE. PP. unanimiter fuerunt in sensu: Consulendum esse Sanctissimo Domino Nostro pro annulatione, & abolitione dicti Statuti Toletani super Indultis, & Privilegiis, Lectoribus, Prædicatoribus, & Magistris Novitiorum, ut præfector, concefis, nec non aliorum Statutorum in Capitulis Generalibus Romanano, & Victoriae editorum, non obstantibus Decreto Sacra Congregationis Episcoporum, & Regularium negotiis præpositæ, & Brevi confirmatorio Venerabilis Servi Dei Innocentii XI. Sicque deinceps Lectores, Prædicatores, & Magistri Novitiorum prædicta Indulta, Privilegia, & Titulos consequi nullatenus valeant; Ita tamen, ut Regulares, præfati Ordinis, qui usque ad præsentem diem jam dicta Indulta, & Privilegia legitimè consecuti fuerint, in eorumque extiterint pacifica possessione, iis uti, & frui possint in statu tantum, in quo reperiuntur, non tamen alesquā valeant aliud Privilegium in casu loci vacanti privilegiati, atque nihil præsenti Decreto juri ex illis quefito derogatum censeantur. Datum Romæ die 18. Julij 1720.

Die 20. prædicti mensis facta per me infra scriptum Secretarium relatione Sanctissimo Domino Nostro Sanctitas Sua resolutionem, free Decretum approbat, ac expediri jussit Literas Apostolicas in forma Brevis.

J. D. Card. Peraccianus Praefectus.

V. Archiepiscopus Damascenus Secr.

## CONFIRMATIO

Præcedentis Decreti, auditis rationibus à Lectoribus Ordinis Minorum Observantium Reformatorum deducitis.

Die 29. Augus̄ti 1720.

XVIII.

**C**um pridem sub die 18. Julij 1720. Congratio deputata Eminentissimorum, & Reverendissimorum S. R. E. Cardinalium Paulucci, Casoni, Paracciani Praefecti Sacrae Congregationis, & Fabroni, meique infra scripti Secretarii, fuerit, in sensu consulendi Sanctissimo Domino Nostro pro abolitione Statuti Toletani, nec non aliorum Statutorum in Capitulis Generalibus Romano, & Victoriae editorum super Indultis, & Privilegiis Lectoribus, Prædicatoribus, & Magistris Novitiorum Ordinis Minorum Observantium Reformatorum concessis, prout latius ex fæti serie, & Decreto edito à Sanctissimo Domino Nostro approbatum fuit,

Nuper ex Lectorum præmemorati Ordinis parte eidem Sanctissimo Domino Nostro expofitum fuit, quod alias sub die 21. Junij 1709. in Sacra Congregatione Episcoporum, & Regularium bac eadem promota Superiorum Generalium Instantia super abolitione respectivè dictorum Privilegiorum, & Indulctorum, Ponente claræ memorie Cardinali Sancti Clementis, rescriptum fuit, nihil esse innovandum, proindeque ex iis, alisque præteritis rationibus, quæ à dictis Lecto-

ribus